

ქალაქ ქუთაისის მუნიციპალიტეტის საკრებულოს ფრაქცია

„ქართული ოცნების“ სხდომის

ოქმი N 9

06.04.2026

სხდომის ჩატარების ადგილი:
ქალაქ ქუთაისის ადგილობრივი
თვითმმართველობის შენობა.
რუსთაველის გამზირი N3

ქალაქ ქუთაისის მუნიციპალიტეტის საკრებულოს ფრაქცია „ქართული ოცნების“ სხდომა ჩატარდა თვითმმართველობის შენობაში არსებულ სხდომათა დარბაზში. სხდომას ხელმძღვანელობდა ფრაქციის თავმჯდომარე, ბატონი დიმიტრი მხეიძე.

ესწრებოდნენ ფრაქცია „ქართული ოცნების“ წევრები:

გიორგი ჭიღვარია, მარეხი ნიჟარაძე, ამირან კოპალეიშვილი, ლაშა გვენეტაძე, გიორგი იობაშვილი, ბესიკ ჩეჩელაშვილი, კობა ფხაკაძე, მანანა ჩიხლაძე, ჯემალ ბიბილეიშვილი, ალექო თამაზაშვილი, ბიქტორ გვეტაძე, სალომე სარალიძე, სანდრო ნერგაძე, მაგდა კოსტავა, ლანა ჩიტაძე.

სულ 16 წევრი

სხდომა გახსნა ქალაქ ქუთაისის მუნიციპალიტეტის საკრებულოს ფრაქცია „ქართული ოცნების“ თავმჯდომარემ ბატონმა დიმიტრი მხეიძემ და წარმოადგინა სხდომის დღის წესრიგის შემდეგი პროექტი:

1. ქალაქ ქუთაისის მუნიციპალიტეტის მერიის ა(ა)იპ „სპეციალური სერვისების“ სამსახურის ანგარიში 2025 წლის განმავლობაში გაწეული საქმიანობისა და 2026 წელს დაგეგმილი ღონისძიებების შესახებ.

ბატონი თენგიზ არსენიძე
ქალაქ ქუთაისის მუნიციპალიტეტის მერიის
ა(ა)იპ „სპეციალური სერვისების“
სამსახურის უფროსი

დღის წესრიგის პროექტთან დაკავშირებით მოსაზრებები არ გამოთქმულა.

ქალაქ ქუთაისის მუნიციპალიტეტის საკრებულოს ფრაქცია „ქართული ოცნების“ თავმჯდომარემ, ბატონმა დიმიტრი მხეიძემ დღის წესრიგთან დაკავშირებით გამოაცხადა ღია კენჭისყრის დაწყება.

ერთხმად დაადგინეს:

დამტკიცდეს სხდომის დღის წესრიგი წარმოდგენილი რედაქციით.

მოისმინეს: ქალაქ ქუთაისის მუნიციპალური მერიის ა(ა)იპ „სპეციალური სერვისების“ სამსახურის ანგარიში 2025 წლის განმავლობაში გაწეული საქმიანობისა და 2026 წელს დაგეგმილი ღონისძიებების შესახებ.

დღის წესრიგის პირველი საკითხი- ქალაქ ქუთაისის მუნიციპალიტეტის მერიის ა(ა)იპ „სპეციალური სერვისების“ სამსახურის ანგარიში 2025 წლის განმავლობაში გაწეული საქმიანობისა და 2026 წელს დაგეგმილი ღონისძიებების შესახებ.

ზემოაღნიშნული საკითხი წარმოადგინა ქალაქ ქუთაისის მუნიციპალიტეტის მერიის ა(ა)იპ „სპეციალური სერვისების“ სამსახურის უფროსმა, ბატონმა თენგო არსენიძემ.

თენგო არსენიძე: „მოგესალმებით, წარმოგიდგენთ ქალაქ ქუთაისის მუნიციპალიტეტის მერიის ა(ა)იპ „სპეციალური სერვისების“ სამსახურის ანგარიშს 2025 წლის განმავლობაში გაწეული საქმიანობისა და 2026 წელს დაგეგმილი ღონისძიებების შესახებ. 2025 წლისათვის ა(ა)იპ „სპეციალური სერვისებში“ დაიგეგმა საბიუჯეტო პროგრამის სახსრების გამოყენება ჯამში 9 150 000 ლარის ოდენობით (03.01 - ქალაქის დასუფთავება და ნარჩენების გატანა) და საკუთარი სახსრების გამოყენება 1 350 000,0 ლარის ოდენობით (03.01 - ქალაქის დასუფთავება და ნარჩენების გატანა). აქედან ორგანიზაციამ ასიგნების სახით გამოიყენა 9 081 998,95 ლარი და 1 219 442,06 ლარი საკუთარი სახსრებიდან. ასევე მიმდინარე წელს ა(ა)იპ „სპეციალური სერვისებში“ დაიგეგმა საბიუჯეტო საპილოტე პროგრამა „უპატრონო/მიკედლებული ცხოველების პოპულაციის მართვა“ გეგმით 545 500 ლარი. აქედან ორგანიზაციამ გამოიყენა 535 948,61 ლარი. ა(ა)იპ „სპეციალური სერვისებს“ 2024 წლის საკუთარი სახსრების ბიუჯეტიდან გადმოყვა 316 877,34 ლარი. დამატებით მიიღო 1 485 973,19 ლარის შემოსავალი. ქალაქ ქუთაისის მუნიციპალიტეტის ტერიტორიიდან გატანილ იქნა საყოფაცხოვრებო ნარჩენი დაახლოებით 54 643,36 ტონა. დაიგვა და დასუფთავდა - 865 462 450,0 მ² ქალაქის ქუჩები. ზამთრის სეზონის დადგომასთან დაკავშირებით ქალაქში რამდენჯერმე თოვლისაგან გაიწმინდა ქუთაისში არსებული ხიდები, ქუჩები, საფეხმავლო ტროტუარები, რისთვისაც გაიხარჯა 25,2 ტონა ტექნიკური მარილი და 199,56 მ³ ქვიშა.დაიწნება ქალაქის ტერიტორიიდან მოპოვებული 321 შეკვრა მუყაო. 2024 წლიდან ნაშთის სახით გადმოგვყვა 39 შეკვრა მუყაო და 33 შეკვრა პლასტმასი. აქედან 262 შეკვრა მუყაო გაიყიდა. ორგანიზაციამ დამატებით შემოსავლის სახით მიიღო 42 195,40 ლარი.ბიოდეგრადირებადი ნარჩენების მართვის კომპოსტირების სამსახურს 2024 წლიდან გადმოყვა 91,7 ტონა დაქუცმაცებული ნედლეული და 29,5 ტონა მზა პროდუქტის ნაყარი. 2025 წელს ქ. ქუთაისის ტერიტორიაზე ხეების გადაბეღვით და სხვლა-ფორმირებით და მიღებული მწვანე ნარჩენების დაქუცმაცების შედეგად გადამუშავდა 67,9 ტონა კომპოსტირებული მასალა (დაქუცმაცებული ნედლეული). აქედან 111,2 ტონა გაიცრა და 41,7 ტონა გადავიდა მზა პროდუქციაში. ორგანიზაციის მარაგშია 71,2 ტონა ორგანული სასუქი. გადაიბელა და სხვლა-ფორმირება ჩაუტარდა - 512 ძირ ხეს. მოიჭრა გამხმარი და სტიქიით დაზიანებული - 147 ძირი ხე. საშემე მერქნით დაკმაყოფილდა 131 ბენეფიციარი. სულ მუნიციპალიტეტის სტრუქტურული ერთეულის მოთხოვნით შესრულდა 290 დაგეგმილი სამუშაო.უმეთვალყურეო ცხოველების თავშესაფარში შემოყვანილ იქნა 1048 ძაღლი, 30 ლეკვი და 59 მსხვილფეხა რქოსანი პირუტყვი. გაჩუქდა 38 ძაღლი, 30 ლეკვი და სათანადო დოკუმენტაციის წარდგენის შემდეგ მფლობელებს დაუბრუნდათ 59 მსხვილფეხა რქოსანი

პირუტყვი. ევთანაზია გაუკეთდა 116 ძალს. ბუნებრივად გარდაიცვალა 15 ძალი. ოპერაცია ჩაუტარდა 977 ძალს, აიცრა 982 და ბუნებრივ არეალში გაიშვა 944 ძალი. საპილოტე პროგრამის ამოქმედებით თავშესაფარში შემოიყვანეს 5055 ძალი, ოპერაცია ჩაუტარდა 5028 ძალს, ვაქცინაცია და რევაქცინაცია ჩაუტარდა 4944 ძალს, ბუნებრივად გარდაიცვალა 1 ძალი, ბუნებრივ არეალში დაბრუნდა 5054 ძალი. მღრღნელების საწინააღმდეგოდ დამუშავდა 1 118 772,0 მ² ტერიტორია. დეზინსექცირდა სპეციალური რეაგენტებით შეიწამლა 58 836,0 მ² ფართობი და 128 კრაზანის ბუდე, დეზინფექცირდა 799 839 მ², ასევე შეიწამლა 1 659 სველი წერტილი. ქვეწარმავლების დასაფრთხობად შეიწამლა 38 314,0 გრძივი მეტრი ტერიტორია. ორგანიზაციამ დამატებით შემოსავლის სახით მიიღო 30 589,59 ლარი. გაიწმინდა - 33 640 გრძივი/მეტრი სანიაღვრე არხი. ამოიწმინდა და რეაბილიტაცია ჩაუტარდა - 3726 ჭას და ცხაურს, აღდგა 38 ცხაური, დამონტაჟდა 28 და ჩაისვა 17 ჭის თავი, ბალახისაგან გაითიბა - 1 147 640 მ² ფართობი. დემონტაჟი გაუკეთდა და აღდგა 18 საბავშვო ატრაქციონი, ასევე 12 საფეხბურთო მოედანი და 3 სავარჯიშო ტრენაჟორი, აღდგა 6 დაზიანებული შესასვლელი ლითონის კარი, ღობე, კიბის მოაჯირი. შესრულდა - 511 სხვა დამატებითი სამუშაო. სულ შესრულებული სამუშაოების რაოდენობა არის 1139”.

აზრი გამოთქვას, დაისვა შეკითხვები, გაკეთდა განმარტებები:

მარეხი ნიჟარაძე: „როგორ ხდება ურნების გაწმენდითი სამუშაოები?“

თენგიზ არსენიძე: „განსაკუთრებით ზაფხულში ხდება ჩვენს მიერ ურნების გარეცხვა, შეიძლება ყველა ურნის გასუფთავება ვერ მოხერხდეს, მაგრამ ისეთი თავშეყრის ადგილებში, სადაც ყველაზე მეტად დატვირთულია, დილით ადრე წყლის ჭავლით და ქლორით ხდება დამუშავება. ასევე ხდება ავტომანქანების დამუშავებაც“.

მარეხი ნიჟარაძე: „ შინაური ცხოველები, რომლებიც ქუჩაში დადიან, მათ მიმართ რა ღონისძიებები ტარდება? ჯარიმდება თუ არა პატრონი ან რა ვალდებულებებს ვაკისრებთ?“

თენგიზ არსენიძე: „ ქალაქის მასშტაბით მსხვილფეხა რქოსანი პირუტყვის მოძრაობა აკრძალულია. ხდება ჩვენს მიერ სპეციალურ თავშესაფარში გადაყვანა, თუ აქვს მანიშნებელი საყურე, რითაც ხდება ინდეფიცირება სურსათის მავნებლობასთან შეთანხმებით. არის საჯარიმო სანქცია, პირველი 24 საათის განმავლობაში დაყოვნება არ არის ფასიანი, შემდეგ უკვე ყოველი დღე ჯარიმდება. ჩვენს მიერ ეცნობება მუნიციპალურ ინსპექციას და ისინი წერენ ჯარიმას. თუ სკვერშია პირუტყვი ჯარიმაა 500 ლარი, თუ „ტროტუარზე“ 250 ლარი. გადახდის შემდეგ მოაქვს ქვითარი მეპატრონეს და ამის შემდგომ მიჰყავს პირუტყვი. თუ არ აქვს საყურე, ამ შემთხვევაში მუნიციპალიტეტიდან მოაქვს ცნობა, რომ საკუთრებაა და შემდეგ ვატარებთ ღონისძიებებს“.

დიმიტრი მხეიძე: „როდის აცხადებთ ტენდერს ზამთრისთვის , ტექნიკური მარილის შესაძენად?“

თენგიზ არსენიძე: „ტენდერს ვაცხადებთ ზაფხულში, ამის შემდგომ ვასაწყობებთ“.

დიმიტრი მხეიძე: „აუცილებელია ფრაქციის ფორმატში , თუნდაც ზაფხულში შევხვდეთ ბიზნეს-სექტორს, რათა დიდთოვლიანობის დროს თავიანთი ტექნიკით დადგინენ ჩვენი

მოქალაქეების გვერდით. აუცილებელია წინასწარ დავიგეგმოთ, რათა ზამთარს შევხვდეთ მომზადებული“.

მანანა ჩიხლაძე: „რამდენად გყავთ გუნდი როგორც რაოდენობრივად, ასევე ფიზიკური შესაძლებლობებით? დიდი მხარდაჭერა გჭირდებათ, მთელს საკვანძო ინსტიტუციას მიხედო არაა მარტივი, რადგან ვიცით, რომ გვაქვს სერიოზული გამოწვევები“.

თენგიზ არსენიძე: „დავიწყებ იმით, რომ ზამთარს ვხვდებით 3 ახალი ტექნიკით, ასევე ხდება ძველი ტექნიკის განახლება, უკვე გვაქვს ხელშეკრულებები. რაც შეეხება სამსახურს, გუნდი არის გამართული, ყველაზე მეტად გვიჭირს, ესაა მუშა პერსონალი და მძღოლები, მაგრამ მოხდა ხელფასების მატება და ეს დაეტყო კიდევ, ამიტომ შედარებით უკეთესი მდგომარეობაა. ხელფასები გაეზარდათ ასევე მეზოვეებს“.

დიმიტრი მხეიძე: „აქვთ თუ არა ჯანმრთელობის დაზღვევა თქვენს თანამშრომლებს?“

თენგიზ არსენიძე: „აქვთ სიცოცხლის დაზღვევა და მძიმე დაზიანებების, ჯანმრთელობის დაზღვევა არ აქვთ“.

საკითხთან დაკავშირებით დებატები შეწყდა.

ქალაქ ქუთაისის მუნიციპალიტეტის საკრებულოს ფრაქცია „ქართული ოცნების“ თავმჯდომარემ, ბატონმა დიმიტრი მხეიძემ დღის წესრიგის პირველ საკითხთან დაკავშირებით გამოაცხადა ღია კენჭისყრის დაწყება. რეგისტრაცია გაიარეს კომისიის წევრებმა.

ღია კენჭისყრით, ხმათა უმრავლესობით **დაადგინეს:**

მოწონებულ იქნეს ქალაქ ქუთაისის მუნიციპალიტეტის მერიის ა(ა)იპ „სპეციალური სერვისების“ სამსახურის ანგარიში 2025 წლის განმავლობაში გაწეული საქმიანობისა და 2026 წელს დაგეგმილი ღონისძიებების შესახებ.

ამით, ქალაქ ქუთაისის მუნიციპალიტეტის საკრებულოს ფრაქცია „ქართული ოცნების“ სხდომამ მუშაობა დაამთავრა.

საკრებულოს ფრაქცია „ქართული ოცნების“
თავმჯდომარე დიმიტრი მხეიძე

